



Broj: 04-40-1-85/26  
Sarajevo, 27.03.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** za period od 08:30 sati 26.03.2026. do 08:30 sati 27.03.2026. godine

U izvještajnom periodu Kantonalni operativni centar civilne zaštite primio je dvije informacije o pronalasku NUS-a:

- dana 26.03.2026. godine u 10:50 sati, od Službe civilne zaštite Općine Vogošća, da su na lokaciji stare industrijske zone pronađena dva neeksplozirana ubojna sredstva;
- dana 26.03.2026. godine u 12:10 sati, Policijske stanice Ilijaš, da je u ulici Balibegovići bb pronađeno jedno neeksplozirano ubojno sredstvo.

O primljenim informacijama obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađena ubojna sredstva.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su devet manjih intervencija i to: jednu na gašenju zapaljenog dimnjaka, jednu na gašenju niskog rastinja, jednu na gašenju napustenog objekta, jednu tehničku (izvlačenje beživotnog tijela iz rijeke Miljacke) i pet obezbjeđenja aerodrom.

**Općinski operativni centar civilne zaštite Stari Grad:** U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka

zaštite i spašavanja, dana 26.03.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Na lokalitetu Curine njive izvršen je vizualni pregled stanja na klizištu koje je u odnosu na prethodni dan bez većih promjena. I dalje je prisutan konstantan dotok vode iz pravca deponije koji se ulijeva u drenažni kanal. Na zonama ispod igrališta, na završetku drenažnog kanala i ispod deponije i dalje su vidljiva oborena stabla. Na dijelu ispod igrališta evidentirano je slijeganje zemljane mase i osipanje tla u pravcu prvih stambenih objekata. Nove pukotine nisu uočene dok su na postojećim primjetne promjene u vidu njihovog širenja uslijed vremenskih uticaja.

Na lokalitetu Knjeginjac vidljivo je slijeganje zemljane mase prema klizištu, posebno na gornjem dijelu deponije. U donjem dijelu i dalje je prisutna voda, kao i blatnjave površine. Nije uočeno novo odlaganje zemljanog niti drugog materijala.

Izvršenim obilaskom i vizualnim pregledom lokaliteta Bistričkog potoka utvrđeno je da je korito potoka i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Dotok vode sa Trebevića kroz Bistrički potok u povećanim količinama. Sa kaptaze izvora, kod mosta na Boguševcu, višak vode se i dalje ulijeva u korito potoka.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 1°C, vlažnost zraka 99 %, barometarski pritisak 922,6 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a